

بقايا من رماد

انا باقى بقايا من رماد ولابقى دخان
وانا مهر جموح .. واعسفتني لوعة سيني
شربت من المراره والبحر والملح والطوفان
وتعبت اركض لصوت من وري صدري يناديني
متى نرحل عن الدنيا .. (وكل من عليها فان)
متى يوم اللقا .. وابي اشتكي للى يلا قيني
بهزك يا نخيل في ظلوعي .. تمر ك الحرمان
وابضرب في عصاتي ضامري للى يشكيني
انا بجمع دموعي كلها واصبر على الكتمان
واذا ربى سألني .. ينفجر كل البكا فيني .!

صديقي والكلام انثى تلمس جرح في مروان
تذكرني .. وانا اللي مالميت اللي ينسيني
أجي وارمي (حجارة) غفوتي في (جرة) النسيان
ابي تشرب نياق الذاكره منها...وتسقينني
عجزت انسى همومي - يا صديقي - والقلوب اوطان
وانا قلبي وطنها .. وحزنها كله سكن فيني
حزين .. وفي عيوني دمعة عتابي على الخلان
- مثل موج السواحل - يضرب الحزن بشراييني
تعبت اصرخ بدالي .. مابقى في ظامري بركان
طففت اخر شراره - في ظلوعي - من براكينني

خلف الاسلامي

